

蓮洋詩鈔

冊三

蓮洋集卷第九

河中 吳 雯 天章著

後學浮山張體乾確齋校

懷子文二首

鹿脯曾留帖鵝羣更頌書還經王母廟不饌錦江魚

初子文傳
轉蜀餉

西出蕭關見瓦亭六盤山色六盤青懷君多在彈箏峽載筆重來驗水經

子文
阜蘭

載筆論王母
宮碑刻最詳

卦山四首

石路何盤盤老柏一萬樹風吹柏子烟引入繡經處

古洞蛟龍窟陰陰玉鑑寒只疑雷電起不敢再三看

石幢曠劫留花雨衣裳冷下盼蒼蒼然殘陽沒東嶺

起滅心何爲皈依七祖禪啣花雙白鹿恰過講堂前

寄里人

旅髻蕭騷甚低徊東海濱到秋翻作客漸老只依人天迴移朱鳥風涼散白蘋
澗南紅樹好愁絕憶垂綸

哭張三公路之喪而送之十首

三十年來數益奇海天惆悵髻成絲而今翻作長年別衰柳殘陽灑淚時
文章命達已成虛年壽蹉跎又不如客舍無端驚鵬鳥可曾檢點茂陵書

阻絕河山少見期神交千里只相思相逢便道參曹洞銀盃空齋大雪時

君嘗
簡余

云此間有參洞者遠來一道
至則無有蓋戡余之嗜禪也

家學深培蓋世才一朝朝露委塵埃亡書三篋君能記誰備河東顧問來

老筆縱橫脫鞢韉人家縑素有光輝感君讓善嘗推我不學吳興損伯機

齡石箋函亦擅場當筵下筆挾風霜可憐只論閒風月未得從容玉女傍

艱難寄食各西東投老無家四海空痛絕歸來仍是客天涯兒女哭雲中

君家
人寄

食蔚
州

頻從病裏望相過只道尋常後會多三日不聞成永別貧中真奈負君何

丹旄飛飛下直沽風前有似避鷄鵬送君淚盡還相慰有子皆能讀父書
知己空論意氣深脫驂終愧少黃金長歌當泣真成泣聊盡當年挂劍心

簡梁生崇此二首

青嶼連朝雪尙凝林塘草樹禿如僧春風似過神鰲力頓解長河五尺冰
日日齋居寶月涵果然彌勒許同龕知君磨礪鞋賓鐵何處堪容八繭蠶

簡遲茂先

難忘高齋剪燭時天涯何幸得心知只今海日曈曈影偏照江梅第一枝

由金巷口登居士嶺

白雲發終古蘿篠寒溪中我行遵石路裙屐濕濛濛遂躡靈峯巔忽與天路通
仙人肅劍佩謁帝趨樊桐鶴背一長嘯劃然神宇空

文中子舊居

汾水湯湯遶舊居白牛溪畔雁飛初當年檢點先生意可悔金門早上書

獨坐看月三首

最愛金精盛滿時
迢迢煙海未逢師
人間富貴真塵土
坐看長空鶴影遲
獨對高旻發浩吟
夜涼風露滌煩襟
浮雲斂盡冰輪滿
萬里青天萬古心
豈但師難友亦難
同心臭味比金蘭
誰能把臂林中去
拋却閭浮更不看

贈孫都閫

瘴雨蠻烟海嶠清
雄才從事伏波營
琬戈曉指春星淡
獵馬宵還臘雪明
北闕千秋方鑄鼎
南天萬里已銷兵
霜華點鬢休相訝
二十年來大將名

次小河司二首

漸覺瀟湘近巖關
幸已過轉憐山柳嫩
猶喜野梅多客解
舞鸝鵲羌能掣駱駝
春帆望安穩五日洞庭波

潭府愁卑濕迢迢接遠煙
空遲漁父棹已過洛陽年
湖草留春日江花入暮天
却宜客路穩橫海絕戈船

入楚絕句二首

下澤車歡馬少游
如何却買洞庭舟
跼齋新息應相笑
勞苦終慚萬戶侯

一路谿梅自在香春波更怯洞庭長高情幸有江山助鸚鵡洲南是漢陽

東項侍郎

迢遙入九重侍直每聞鐘已接夔龍席常親日月容錦袍花姪姪仙佩玉丁東更有承恩處天書御墨濃

咏艮止

寂然何內外物我皆寒山萬物本居位自愧我不閒長夜對華燈默默羣書間信有無言旨行生認往還

健松別業爲方渭仁賦三首

織女祠邊宅桐君山下村風流前代沒堂構至今存鵝鸛荒洲島詩書到子孫低徊松檜影依舊覆柴門

滄海橫流日丈人方緯蕭江山行藥遍歲月著書消志就癸辛里詩留丁卯橋百年感風木愁溢聖湖潮

仙郎孝且賢待詔國門前嘗有松風夢吹入芝山煙繫我麋鹿性正愛滄洲緣

何日尋桑苧同齋十九泉

己未花朝前一日諸同人集曹正子園作二首

笑語中林擷鳳毛
捉將坐席散蘭皋
看花不用尋漁父
飲酒真成似馬曹
漸軟燕泥融雪嫩
初調鶯語逐風高
家山却憶崑崙水
新漲龍門百尺濤

酒債尋常累友朋
悠悠輦路百無能
矇矓敢望乘軒鶴
奮迅還追過海鷹
百代聲華愁落日
一生心事愛傳燈
西巖尙有千秋雪
潭柘攀躋苦未曾

寄吳門沈老

渺渺具區水幽幽
靈巖山經年芳草色
綠暎梅花間
丈人飡太和其中怡
朱顏有子喜讀書
詩名牛斗灣
諸孫何森森
綵衣皆斑斕
以此丈人心悠然
波上鷗早敕斷家事
忘機弄潺湲
一笑五湖去
諸峯如髻鬟

題毛鶴舫戴笠垂竿圖

我聞新安江水色
清見底誰能
江上坐不愛魴鱖
美猩猩向晚啼
風潮正盈耳
垂竿亦偶然
戴笠者誰子
惟有富陽人
千秋無彼此

沈繹堂先生大集同人卽席屬賦輒成此詩聊具顛末

帝曰闢四門羣才來後先隱顯雖不同齊對芙蓉殿亦有明堂詩何殊柏梁宴
一時名公卿好士俱不倦金龜質美酒廣座致賓彥先生東陽後八詠最高狷
出入禁闥中恭慎荷殊眷文成吳富體字學歐虞變哀然奉至尊每邀制
稱善虛延更諄切聞賢卽思見清風無長物典衣具珍膳大集鄒枚侶賢豪等
親串戟門日影麗綺席花枝顫我本山澤癯忝竊公府薦一經慚未通七略詎
能遍偶窺月露辭狹小少條貫觀光內生愧重與濫良讌鄙夫更迂闊蒼生入
繾綣忽憶山東飢又念荆南戰此世痛瘡痍溝壑正流轉爲儒霑醉飽饕餮泚
生面聖賢謀立身大者在隱見三復百無補還山守拙賤

繹堂先生齋中拜觀御書恭紀其盛

世運適昌熾我皇膺寶命一心周四海深居必恭敬聖明無闕事百職罷
諫諍往往萬幾暇游藝樂清靜讀書到丙夜萬瓦金波映偶然事翰墨卓爾入
神聖鬱勃蛟龍姿盤旋北斗柄載觀四大字心正筆皆正臣莖侍禁掖恩遇過

珍微宋版印
韋孟宸章示寵渥稽首再稱慶光應千古垂事極千秋盛小臣田間來蟻蝨
對金鏡瞻仰生戰慄嘖嘖嘆道勁愧乏掞天才作頌施無竟

送楞香孝廉下第歸新安

我兄間出秀高才遲顯仕春風不得意返棹新安水讀書青嶂下閉戶花源裏
灘聲三百六日日滌心耳跡遠慮亦屏白雲夢中起

贈道者

天半挹紅霞滄洲處處家仙經窺玉笥小妓遣蓮花渡海常騎鶴開山或種瓜
青牛新有約一夜到流沙

留別嚴蓀友二首

我愛嚴夫子高情無古今最邀英主契終執野人心哀哀承新命依依念舊
林草堂連夜夢幾處白雲深

幾時到城闕衣尚煙霞斑紫府留君住青山羨我還愁添飛燕後醉臥落花間
最悔浮名誤春光擲等閒

題姜西溟歸養圖三首

護可忘憂笋可蔬半雞嘗庋向中廚養親何必皆鐘鼎不及君家雙鯉魚
才名一日 帝王知萬里君門數轉奇捧檄雖難慰顏色階前不愧寧馨兒
返棹中流浪拍天中條我亦水雲邊人生但遂家庭樂孝友君陳世早傳

送顧尼備南歸省覲

丈夫誰不思適意日日風塵苦顚顚當年原不爲蒼生止願一身得高位顧郎
出處則不然飛伏何曾繫胸次一朝憶母懷江天思買雙魚獻母前傍晚猶酣
新豐酒乘曉已發吳淞船歸來堦笋迸青玉陂水低飛兩黃鵠莫羨遙頒五鼎
食何如親負一囊粟送君黯然愁未消夢君三百九十橋分手幾時我又去江
北江南空暮潮

留別李紫瀾并遙致方山及馮徐二君子三首

去去復何求楊花吹驛樓開樽憐共酌秉燭憶同游

元夕曾共余步至寓門

高闕看儀鳳

閒沙認野鷗生平感風義多半在陵州

夫子古情性灑然冰雪姿退朝常命酒乘月數圍棋馮子寧彈鋏

方寅

徐陵雅善

詩電發

一朝岐路側那得不淒其

青嶂關南路黃河渡口村柳邊辭貴客花下閉柴門轟轟山松直翩翩水鶴翻
讀書增道力應念故人言

義棠壁上次謝舍人韻

無端帝里經年住依舊麻衣未拜官雙闕已辭池上步三峯真省夢中看途逢
驪裏思千里水見崑崙寄一竿從此草堂鄰里熟阿誰重著鵲鵲冠

秋晨過友人書屋借韭花帖看

村居常起早微雨有餘清爲訪韭花帖來尋陽羨生當堦松鼠落繞舍竹雞鳴
卽此堪終日何勞問世情

答子文贊府三首

曾傍中條匹馬來玉溪延望興悠哉匆匆未遂登臨約歛見潼關四面開
繡嶺宮前曠劫春金釵鈿合久成塵使君大似元才子修竹連昌弔太真

昨日山中惠好音野人非敢託長林傳聞又向長安去爲見瑯琊道素心

謂阮翁

贈歷城王秋史二首

梅花映深雪幾共鸚鵡杯每愧高陽侶欣逢歷下才歡然數晨夕竟已忘蒿萊
聖朝勤採納不用數無媒

愛爾文千卷依然行路難將軍能好客才子慎加餐溟海漁竿冷崆峒劍氣寒
已成鹽鐵論蚤晚召桓寬

閒居示內

十年宦學兩無成且共山南事耦耕可向田間隨冀缺幾曾床下拜樊英提筐
蠶月勞機杼采藥鹿門忘姓名若使蓬山同有籍玉簫雙引鳳凰聲

病酒數韓體

一飲不知節崇朝成醉眠支體困不收橫臥席無氈傍午具酒肉畏之不能前
始知分有定多受卽招愆昨豐今遂歉寧使恣饕餮晚覺頭目輕啜茗燈火邊
羣書如獼祭流覽煩慮蠲果然飽義理不等恣肥鮮願言慎威儀屢舞羞僂僂

珍傲宋版
勿令鄉曲笑有如夔憐虻

山堂

幾日重陰雪未晴寒煙斂盡月華生竹爐茶火詩人意不惜山堂坐到明

題嶺祠

半嶺閒雲祠樹多野人心事近如何黃龍釀雨飛巖窟白鹿啣花過薜蘿石上方抄雲子飯溪邊誰和紫芝歌年來空有還丹訣日遣流光等逝波

簡郎山別駕二首

深秋積雨散蕭晨快覩龍門意氣真逸致數延文舉客清風曾謝梗陽人寒花裊露垂廳事細帙縈煙過錦茵爲報嵩峯招玉女好攜佳句徹秋旻

高天無際雁聲過魏萬城邊興若何勝概驚翻游子意風流唯許使君多欲徵奇字慚攜酒待索名箋好換鵝鵲首西山朝爽在清暉一路野人歌

西村

西林帶暝色野水失津梁颯颯北風至寒原墜枯桑豆苗苦未獲佳禾猶在場

婦子如寒鳥飢語憐空倉天時每如此徒令達人傷

河上卽事

鳴雁過殘雪蕭蕭風葉乾河冰三四尺吹到客衣寒

宿故市

一夜愁心白髮生高齋明月意縱橫西風不定歸鴻急臥聽空山瀑布聲

漁父三首

山橋澗石水粼粼八節灘頭草樹春何處羊裘逢老子煙波別有釣鰲人
靜把綸竿泛夕陽人間何處不滄浪眼中厭見三閭客獨往江天意自長
松下蕭然寄一竿蒼蒼塢樹雨中寒孤舟穩坐潮生處可是當年牡蠣灘

贈周麟聲明府

安邑令爲陳子文堂翁

夫子真清惠深仁入頌謳文章仍照耀詩句見風流谷水通車輞山光媚玉鉤
顛軫饒峻坂莫使困驂騑

贈平水陳師

汾水冰已消春田麥苗綠鷺羽照圓沙晴風吹素玉遙遙藐姑射青雲宛相屬
欣聞講席開日暉厭燈燭殷勤訪要妙何敢自刺促紫氣正回翔長天肆遐矚
芝亭展子述其太母大節慨然賦之以備採風

鬱鬱山上柏落落澗中石不及貞女心千秋見風格嗚呼展太母綺年謝芳澤
良人九原下賁恨痛魂魄太母持門戶灑淚對窀穸撫弟並撫孤森然具繩尺
百鍊備心苦一境無順逆蠶月勞寢與花時任拋擲果令舊家中衰復烜赫
孫枝發奇秀同作海門客能述太母行孝思亦敦迫爲君紀遺徽還期著方冊

贈丁參軍荷峯

時爲長蘆
運司經歷

幾向清溪夢若耶却從齋閣見梅花賜書尙寶參軍宅遺笏猶傳相國家鵬運
三千搏溟海才名尺五動京華蘋風漸次官橋北丁卯詩成勝五車

虞姬墓

悲風驚落木碑字半消磨客子苦霜露美人當奈何荒原獵火盡戰壘夕陽多
惆悵興亡事炎劉亦逝波

獵火謠

野火燒原風倒鳴
原上短草煙迴瀲
雉飛兔走客心急
手凍弓強挽不得
語君弓箭好收藏
明春同去獵長楊

珠樓

珠樓十二甍金蟾
樓外春風打帽簷
齊道天香何處落
不知人在水晶簾

閨思

細雨茸茸楊柳津
當時曾此送行人
縱然不向臨邛去
多恐歸來已暮春

廣陵逢李閨仙刺史

廣陵三月桃花時
翩翩紫綬香風吹
公子新領股肱郡
古昔通侯今過之
借問何爲錫嘉命
由來螺水傳奇政
官舍曾聞下鳳凰
御屏久道書名姓
一朝重地急須才
天子西顧常徘徊
忽憶仁人在閩越
特制曰善當移來
移來琴鶴

輕裝繼攀臥紛紛
戀深惠遲日三山
別荔枝春風五馬
迎潞潞猗歟夫子
政事良足傳誰識
文章復煥然井里
端能接工部家聲
原自屬青蓮青蓮
古調峨嵋

下宮錦樓船最瀟灑只今重見起王風無事吾衰憂大雅嗟予小子飄零久薄
宦爲家大河口難將菜把乞園官敢望猪肝累賢守昨日登堂獨見容仍教吐
握到諸生東陽舊說憐何遜北海今看重襦衡歸來盤礴色然喜人生安得無
知己從此春山雷首東日奏鳴絃樂君子

贈章素文

金馬浮沉久燕臺會好初名高終不薦天意且何如布袖難爲客松窗悔上書
聖朝多雨露早晚及樵漁

答汪文漪編修

弱齡秉微尚所遇亦如之因之歸中條自結一茅茨欲就金鵝藥逝采三花蕤
夫子古情性百鍊不磷淄大藥卽此是金石空爾爲偶發鸞鳳音縹緲驚頑癡
我歌幽澗泉君唱明堂詩隱顯迹則殊理契無參差日月感跳丸明鏡羞白髭
僕僕四十九已是知非時皋夔世所仰箕穎心所師相望各有就何必同一規
還當返初服庶不負前期